

Van der rechtschapen Christliken Bote.



De Bote ys ock vor ein Sacrament
getelt/darumme dat alle Sacramen-
te Bote bedüden/Ock vmmē etliker
ander orsake willen/de hyt nicht van
nōden synt tho vortellende.

An hebbe wy thoudēn gesecht/dat ydt van
nōden sy/Bote tho predigende/vnde dat wesent
ane fruchten tho straffende/dat ytsundes in der
werlt ys/vnde etliker mathe vth vnrechtē vor-
stande des louen kumpt/Wente vele wenn se ge-
hört hebben/se schollen louen/so syn en alle sūnde
vorgeuen/So dichten se einen louen/vnde mener/
se syn rein/Dar dorch werden se denn wreuelich vnd
de seker/Solcke fleschlike sekerheit ys erger/denn alle
le erdome vor desser tidt gewesen synt.Darumme
shal me allewege wenn me van Louen prediget/
de lūde vnderrichten/wor de Loue syn möge/vnde
wo me dartho kumpt/Wente ein recht Loue kan
nicht syn/wor nēne rechte Ruwe ys/vnde recht
fruchte/vnde vorseckent vor Gade.

Dyth stücke ys sēr van nōden/den lūden vor-
thoholdende/Wente wor nēne ruwe vnde ledt auer
de sūnde ys/dar ys ock nēn recht loue. So steit ym
hundert vnde söuen vnde veertigesten psalme/De
Here hefft ein wolgeual an den de en fruchten/de
vp syne gūdicheit wachten.Ock secht Godt sūlnest
tho Ezechiel am drüdden capittel/Wenn de predi-
ger nicht straffet der yenuen erdōm vnde sūnde/de
he leret/